

ТВОРЧЕСК ИНТЕЛЛИГЕНЦИН ҮГ

Одахн Элст балгъсна творческ интеллигенцин хург болв. Хургт зу гар бичӓчнр, поэтнр, журналистнр, артистнр, зурачнр болн багшнр, эмчнр ирцхӓв.

„Литературиг болн искусствиг оln-ӓмтнӓ бӓӓдл-джиргъллӓ ирлцӓлдж хамцулхмн“ гидг доклад бичӓч Нармаев Морхадж кев.

Бичӓч цань уга гуунӓр мана хальмгин билг-ӓрдм, келнӓ урн ӓг ягъдж ӓсдж-ӓргдждж йовсна тускар болн хальмг куунӓ гар бичг урн ӓглӓ хамдан гишнӓ делгрснӓ тускар докладтан цӓӓлгъдж келв. Болв хальмг литератур, урн ӓг, билг-ӓрдм Алдр Октябрьск революцин хӓбн цецгӓрсн болдг.

Ӕр Нармаев хальмг бичӓчнрин болн дорас ӓсдж йовх багъчудин тускар, теднӓ бичсн произведенъсиг шуудж-шалгъдж ик сӓн йилгъвр кев. Советск хальмг литератур Харти Бадиевич Кануковас эклсми. Мана цуг хальмг улс меддг кесг революционн дуд бӓӓнӓ. Эн дуд гаргъсн комиссар Кануков болдг зӓвтӓ. Терӓнӓ хӓбн Манджин Нимгр, Колян Сандж, Сусен Аксен, Сян-Белгин Хаср, Баснъгъа Баатр толгъачта сӓн урн ӓгтӓ бичӓчнр гарсми. Теднӓ хойрдгч ӓй болдж Лееджнӓ. Церн, Инджин Лидж, Кӓктӓн Элдӓ, Дорджин Баснӓ, Нармин Морхадж, Кӓглтин Дава гарсми.

Шинӓс эклдж бичджӓх багъчуд Балакан Алексей, Байдын Санджара, Санъгъджин Бося, Хоньна Михаил.

Кесг джилин ӓргцд зовлнӓ турӓ узӓд ӓдгӓ цагт, мана литератур алдр Ленинӓ партинильчӓр шинӓс ик ӓндстӓгъӓр цецгӓрджӓнӓ,—гидж докладчик келв.—Шидр гарсн „Теегин герл“ гидг урн ӓгин альманах мана суулин цагин бичӓчнрин творческ кӓдлмшин то-диг.

Ӕр Нармаев ӓврӓннӓ докладтан цуг бичӓчнрин бичсн произведенъсиг тал-талднӓ шуудж-

шалгъдж келв. Поэт Сян-Белгин Хасрин „Ӗцклдӓрк тег“ гидг шулгиг, докладчик, ӓн цагла, ӓндр советин оln-ӓмтнӓ шин джиргъл тосхджах цагла ирлцдж бӓӓхш гидж келв. Дакад нань чигн шулг, рассказ-мудин тускар келв.

Бичӓч Нармаев Морхаджин докладин хӓбн оln улс босдж ӓг келв.

—Ӕр Хрущев бичӓчнр, зурачнр, композитормуд дууддж авад, теднӓ ӓнн халун седклӓр куундвр кесн, манд, бичӓчнрт, чидл ургъав,—гидж поэт Сян-Белгин Хаср келв.

—Хальмг оln-ӓмтнӓ урн ӓгин ик кӓрнӓ „Джанъгъриг“ ямаран чигн буру уха зуусн ӓмтсд басулхми биш,—гидж поэт Сусеев Аксен келв.—Профессор Санжеев 1953-чджил мана хальмг ӓмтнӓ ик зӓбр „Джанъгъриг“ цусч-махч ӓмтнӓ туудж гидж келсн ик хаджгър.

—„Хальмг ӓнн“ газет шалгългъна статья барлхш. И. Мацаков, Д. Мукебенов, нань чигн критикс статьяс бичхш—гидж поэт Инджиев Лидж келв.

Зурачнр ик муугъар, кӓдлх бӓӓрн уга, салу-салу бӓӓхиннӓ тускар Олдяев, Сасыков, Б-Гаряев ӓдн келцхӓв

—Бидн, зурачнр, ӓврӓннӓ келн-ӓмтнӓ искусств делгрӓлхӓр зӓткнӓвдн. Болв, манд балгъсна ахлачнр болн танъгъчин, балгъсна культурин отделмуд дӓбн-тус болхш,—гидж зурач Олдяев келв.

Хальмг государственн ду биигъин ансамбль ӓдгӓ цаг куртл шишлнӓ бӓӓрн уга болсн учрар, би ду дасхларн нег бӓӓрнӓсн нег бӓӓрнӓр кӓӓгдӓд йовна. Ӕнӓнӓ тускар ансамблин художественн гардач Я. А. Абрамис келв.

Ӕн хургт Богданов К. В., Манцынов Б. О., Гельфанд М. А., Бадмаев А. У. босдж ӓг келцхӓв.

Творческ интеллигенцин хург партин заавриг чик гидж, терӓг куцӓх ни-негн Б. АЛАКАЕВ.